


**TEZAU LITURGIC**  
**24 IULIE**

**SLUJBA**  
**SF.PREOT-**  
**MĂRTURISITOR**  
**IOAN**  
**KALININ**  
**DE LA OLENEV**



**MOSCOVA, 2000**



# Служба священноисповеднику Иоанну, чудотворцу Оленевскому

## На велицей вечерни

Блажен муж: 1-й антифон.

На Господи возвах: стихирь на 8 гл. 4

Земли нашея молитвенника / Иоанна  
пресвитера Оленевского. / Вернии людие светло  
почтим / во псалмех и пении кончину славную  
воспоим / в посте и бдениях от юности своея  
житие во Христе проводил еси / и ко всем  
страждущим сердце любовью распростел еси / и  
ныне помози молитвами твоими теплыми ко  
Спасу, / спастися всем почитающим святую  
память твою.

Радуйся, священная главо / преподобных  
подражателю / любителю безмолвия и путь свой  
направляти в дебри лесов / ища бесценный  
бисер Христа, / и тамо притерпел еси от злых  
раны и поношения / ты же бе незлобив и кроток  
за обидящих моляхуся / и ныне молися  
прилежно ко Господу / Да ублажим Святую  
память твою.

Жития равноангельного возжелал еси с лет юных  
/ и прошёл еси путь узкий и тернистый сияя  
добродетелями, / возлюбив смирение

нелицемерное, / труды и молитвы непрестанныя  
/ рыдания о грехах и память смертную. / Темже  
убо земля пензенская подвиги твоя проповедует  
/ и мы недостойнии восхваляем тя, и вопием  
верно, / спасай нас молитвами твоими,  
Богоносне, отче наш Иоанне.

Прехвальне в житии, горяй и светяй даровании  
духовными / светильник бе велий озарял землю  
нашу чудесы многими, / и ныне Церковь  
Христова прославляет тя; отче наш Иоанне яко  
дадеса ти благодать от Бога / силу вражию  
попирати и целити всяк недуг и язю в людех. /  
Мы не радуяся о тебе Божию помышлению /  
сподобляемся недостойнии / милости Господни  
молитвами твоими.

Дивнаго исповедника Христова / и  
молитвенника земли русския / Иоанна  
Богомудраго верно прославим. / В тяжкую  
годину за веру православную / тесноту и узы  
темничныя от безбожных претерпел еси / явив  
образ пастыря доброго. / Темже ублажающе  
взываем ти: Радуйся, отче наш Иоанне  
молитвенниче о душах наших.

Непорочно житие и кончина твоя честна пред  
Богом явися / и паки преславныя мощи Твоя /  
явлением чудным солнце запечатлеша / и небеса  
радугой облисташа. / Темже убо приидим  
вернии / и поклонимся многоцелебным мощем /

ибо и по ныне источают нам неоскудныя милости и множество чудес / с верою и любовию к ним притекающим.

Пастыря доброго врача безмезднаго / и молитвенника предивнаго / днесь достолепно восхваляют чада твоя сошедшися / память твою духовно празднующе. / Прославляем Господа тако тя прославльшаго. / Ты же имеяше дерзновение ко Святей Троице, / молися о спасении душ наших.

Слава, гл.6

Приидите вси людие / воспоим песньми божественными / преподобнаго отца нашего Иоанна, / исповедника Христова и чудотворца Оленевского. / Во тьме неверия века сего возсиявшего / и добре стадо словесных овец спасшаго. / Тако заблудший на путь правый наставиша, / сирым и вдовицам прибежище был еси незнаемое, / и ныне предстояв у Престола царя Славы / моли спастися душам нашим.

И ныне, Богородичен.

Вход. Прокимен дне.

И чтения 3 преподобническая.

## На литии стихирь гл. 2

Иже по благодати Божией данней ти преподобне  
/ яко премудрый художник / основание  
положив твердыя камене веры / добродетельми  
из млада лет украсился еси / и на высоту  
безстрастия возшел еси / удивил еси Ангелы и  
человеки ужасил еси / и ныне пребывая со  
Ангелы / имея дерзновение молиться ко Господу  
/ спаситися душам нашим

В житии добрей ради Господа вся земная  
оставив / и выну помышляя о небеснем /  
Возлюбил еси сладость и упокоение в молитве /  
и путь свой творити в дебри лесов / и тамо  
непрестанно взывати в тиши Создателю Богу /  
Его же молитвами даруй Господи / мир душам  
нашим

Небесный человек и земный Ангеле / во плоти  
явился еси / образ долготерпения посомым  
Твоим был еси / исповедуя веру святую  
неустрашимо / претерпел еси узы темничныя /  
свотильник бе неугасаемый / подавая  
молитвами твоими вся полезная приходящим ти  
с верою / молися о спасении душ наших.

## Слава, гл.5

Приидите вси христолюбивии людии / припадем  
к раце мощей Иоанна Чудотворца предивнаго /  
и возопием ему с веселием. / Радуйся человек  
Божий и муже желаний духовных / скорбным,

тесным путем Христовым шествуя, / подавал  
еси сиротам и вдовицам милости неоскудныя, /  
страждущим от дух нечистых и болящим  
исцеление, / скорбным утешение / и по  
преставлении просия нам светлость жития  
твоего. / Молися прилежно Христу Богу нашему  
/ Церкви нашей мир даровати / и спасение  
душам нашим

И ныне, Богородичен. На стиховне стихирь, гл.8  
Сошедшиися в память твою, отче Иоанне /  
любовию притекающим ко всечестней раце  
многоцелебных мощей твоих, / во гласех  
песенных радостно поюше, / давидски  
глаголюще: / Блажен муж бояся Господа /  
непорочно в путех Господних ходиша. / Темже и  
со святыми райския чертоги унаследовал еси /  
Господеву моляся помиловатися душам нашим.

Стих: "Честна пред Господем"

Не престаяй моляся Богоносне отче Иоанне / о  
присных и недостойных рабех твоих / просяще  
в многотруднем житии / избавити нас от лютых  
бед и искушений / по кончине живота нашего /  
скоро предстани заступником пред Престолом  
Господа Славы, / да вси с любовию / честное  
твое успение веселящиеся почитаем.

Стих: "Блажен муж бояся Господа"

Светом разумным от Бога просветишася /  
душевная очеса твоя / и смиренно волю

Господню познал еси, / приучаяся с млада лет  
житию постническому / Госповеди угодил еси, /  
и чудесы многими люди удивил еси преблаженне  
Иоанне / Но и ныне имеяше дерзновение велие  
/ ко Владыце всех Христу Богу, / моли с верою  
творящих всечестную память Твою, / от всяких  
бед и скорбей спастися душам нашим.

Слава, гл.4

Давидски днесь людие воспоим / труды и  
подвиги твоя преподобне отче Иоанне, / не дал  
бо еси сна своима очима ни веждома дремания  
/ дондеже душу свою слезами умиления напоил  
еси / и добродетельми украсил еси / Тем же и  
нас сподвигни молитвами Твоими / улучшить  
благая и велию милость

И ныне, Богородичен.

На благословении хлебов тропарь святого  
дважды и "Богородице Дево" единожды

Тропарь, гл.4

Земли русския молитвенниче / жизни во Христе  
и покаяния проповедниче / От юности в трудах  
и постех образ быв добродетели / В годину  
тяжкую тесноту и лишения от безбожных  
властей претерпел еси / Ко всем страждущим  
отче преподобне Иоанне, / сердце твое  
распростерл еси / Поспеши и ныне в помощь  
нам, всем сердцем чтущим тя

## НА УТРЕНИ

На Бог Господь: Тропарь дважды, слава и ныне, Богородичен.

По 1-м стихословии седален гл.4

От юности, добродетельми возсиял еси  
досточудне Иоанне, / воздержанием зельным  
умертвил еси плотския зыгвания / Тем же дар  
прозрения и чудотворения от Бога стяжал еси /  
Пожив в мире святче посрамил еси врага лютаго  
/ Сего ради вопием ти / Радуйся отче наш  
Иоанне, / теплый молитвенниче о душах наших  
Слава и ныне. Богородичен.

По полиелеи: седален гл. 3

Яко врача предобра, угодника и чудотворца  
Иоанна, / вси вернии днесь восхвалим во  
псалмех / и благоговейно с верою прикоснемся к  
раце мошей твоих / и изобильно почерпнем  
источник исцелений / ибо дадесе ти благодать  
от Бога целити недуги и язвы в людех / Темже  
мы с любовью припадающе вопием ти / избави  
молитвами твоими от болезней душевных и  
телесных, / празднующих всечестную память  
твою

Слава и ныне. Богородичен.

Поют тя уста херувимская Пречистая, / но  
приими окаяннаго языка песнь приносимую

Благосердию Сына Твоего подражаючи, / и  
благодать мне даруй

Таже степенна. 1-й антифон 4-го гласа.

ПРОКИМЕН, гл.4. Честна пред Господем /  
смерть преподобных Его

СТИХ: Что воздам Госповеди о всех, яже воздаде  
ми?

Всякое дыхание Евангелие от Матфея, зачало 43

По 50-м псалме стихира, гл.6

Благодать спасительную и предстательство твое  
пред Богом ведуще, / пензенское похвало,  
Иоанне премудре / Прилежно молимся тебе /  
испроси твоими молитвами у Господа, /  
даровати Церкви нашей мир и единомыслие /  
Державе Российстей на враги одоление / и  
душам нашим велию милость

КАНОН БОГОРОДИЦЫ И СВЯТАГО КАНОН НА  
8, гл. 6

ПЕСНЬ I

ИРМОС: Яко по суху пешешествовав Израиль по  
бездне стопами, гонителя фараона видя  
потопляема, Богу победную песнь поим,  
вопяше

Избранный сосуде благодати Божией на земли явился еси, яже паки рождения монахами — странниками предреченный: сей воистину велик среди верных житием своим будет, провешавый о богоугодном житии твоём, Иоанне предивне. Возненавидел еси мира суть лукавая, и возлюбил из млада житие строгое, постом и молитвою уготовляясь служению Господеву. И обрет бесценный Бисер — Христа, поклонился еси радуясь, Того величеству Целомудренному лику тепле притекл еси и изрядно потрудился добродетельми в житии ревностью распаляем. Уподобился еси, святче Божий, великим угодицам Христовым, пожил еси чисте в непрестанных трудах и молитвах Разума исполнен духовнаго, блаженне Иоанне, в церковь Божию отроком людей ходити призывавый! "Востаните ленивии, потшитесь, принести образ достойный покаяния Христу" БОГОРОДИЧЕН: Гора явленнейша Ты была еси Пречистая, на нюже возшед, Господь явился, к Нейже ныне прибегаем.

### ПЕСНЬ 3

ИРМОС: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камене исповедания Твоего.

Благодатью Господней укрепився в житии  
постническом, явился еси пастве твоей  
благочестия учитель, вся малодушныя в вере  
укрепил еси, вся приходящая к тебе исцелил еси  
верно, Иоанне Богоблаженне  
Храм бысть Святаго Духа о Бозе любовию  
распаляем, оставив вся суетная мира сего.  
Возлюбив уединение, и тамо молитву  
непрестанную со слезами о мире совершати,  
побеждая амалика мысленнаго.

Величает тя, отче Иоанне, днесь Церковь  
Христова, и вси вернии всечестную память твою  
светло празднуют. К раце мощей твоих со  
слезами припадающе, и усердно просяще  
скорого заступничества, теплыми Твоими к Богу  
молитвами, избавити от бед и искушений  
находящих на ны.

Постничеством душу и тело предочистив, и  
высоту любве достиг всечестне Священства  
сподобился еси помазания святаго, и был еси  
иереев благолепие и паству твою добре упасл еси  
**БОГОРОДИЧЕН:** Все молим Тя прилежно.

Госпоже Дево Мати Святая: избавление от всех  
бед падаждь нам молящихся прилежно Сыну и  
Богу помиловати же и спасти ны.

Седален святого, гл.4

Духом божественным просвещенный,  
сподобился еси отче Иоанне, исповедовать  
святое Православие в годину тяжких  
испытаний, и верныя научил еси веру сохранять  
небоязненно Тем же убо диавола посрамил еси и  
вся терпети Христа ради натавил еси, отче  
преподобне, моли Господа Бога даровати нам  
велию милость.

Слава и ныне. Богородичен.

Милосердия Твоего нас сподоби Милостивая и  
Боголюбивая Владычице и прими Госпоже  
прилежное моление раба Твоего, преподобнаго  
отца нашего Иоанна за ны молящегося. Да  
избавимся от гиены и тьмы кромешния, да  
верою и любовью воспоем Тя.

ПЕСНЬ 4

ИРМОС: Христос моя сила, Бог и Господь,  
честная Церковь Боголепно поет, взывающи от  
смысла чиста, о Господе празднующее.

Терпением дивным стяжал еси душу Твою,  
блаженне, путем тесным ведущим в жизнь  
вечную шел еси, претерпевая за Христа раны и  
узы темничныя, и был еси светильник пастве  
твоей, указуя путь к Горнему миру.

Всего себе любви Божией предал еси и сердце  
Богоблаженне Иоанне ко всем распростерл еси и

был Отец сирот, вдовиц защитниче, печальным утешителю, болящим врачу и непрестанный о мире молитвенниче к Богу.

Приидите соберитесь народу светло празднуюше обретение честных и многоцелебных мощей Иоанна Христолюбиваго, егда бо обретесе мощи твоя. Солнце възиграше, радуга на небеси явишася и мы ликующе поем Ти: Радуйся, отче Иоанне предивный чудотворче.

Приидите людие, воскликнем в веселии Спасителю Богу нашему, и ублажим преподобнаго Иоанна чудотворца Оленевскаго, и стрепетом облобызаем честныя мощи его. Ибо дадесе то них по молитвам усердным, зрение отроковице от рождества слепа быша, и та велиим гласом в Церкви святаго восхвалиша.  
**БОГОРОДИЧЕН:** Управи ум мой Владычице труждающийся в пучине скорбей и потопляемый нашествием тлетворных страстей. Спаси к Тебе прибегающаго, иныя бо помощи. Чистая, разве Тебе, не знаем.

## ПЕСНЬ 5

**ИРМОС:** Божиим светом Твоим, Блаже, утренюющих Ти души любовью озари, милюся, Тя ведети, слове Божий, истиннаго Бога, от мрака греховнаго зывающа.

Знамения и чудеса, спосдобился еси совершати в житии славно. Божественною силою подавая исцеление бесноватому, и то болезни тяжкия избавляя и бо дадеся ти благодать врачевати вся прибегающий к тебе, отче преподобне Иоанне. Возлюбил еси блаженне, храм Божий, молитву непрестанну, любовь нелицемерну и сими ум твой очищая, душу просвещая, тело твое смирил еси и Царствие Небесное достойно, отче получил еси.

Процвела есть земля пензенская, страстотерпцами Христовыми Феодором архипастырем добрым, достохвальными пастырями Василием и Григорием, якоже Вертоград благовонными крини, посреде же их и ты исповедниче Иоанне, досточудне.

Ходотайством твоим, святче, от всякия беды избави землю нашу, и бо рекл еси: отвращу беду великую за грехи ваши тяжкия, и буду заступником вашим, на твоя бо молитвы уповаем.

**БОГОРОДИЧЕН:** Ходотаице ко Творцу, Пречистая Дево, всего мя, грехми оскверненнаго, очисти молитвами Твоими на Тя бо все упование мое возлагая, не постыжуся во век.

## ПЕСНЬ 6

ИРМОС: Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Божественною силою укрепився, беззаконных дерзость низложил еси, во Христа исповеданием твердым, и явился еси столпе веры, отче Иоанне непоколебимый.

В годину тяжкую Церковь Божия от безбожных гонима бысть, но ты воистину, отче укрепився благодатию, неустрашимо исповедовал веру святую и явился еси добродетелей правило, смирением учительным посрамил еси враги.

Лютый ненавистник спасения нашего, возжелаша погубитья ты, отче Иоанне, наведе бо люди беззаконный и тая злобою движущиеся стреляху в ты, но Господь цела и невредима ты сохраниша.

Целомудренным житием, постом и молитвою препоясався дсбре, сподобился претерпети узы темничныя, раны, лишения и скорби тяжкия мужественно. Христа бо прославил еси яве пред мучители, Иоанне всехвальне.

БОГОРОДИЧЕН: Яко бездну милости родшая. От бездны безмерных беззаконий моих исхити мя. Милосердия Мати. Молюся Ти.

## КОНДАК, гл. 2

Днесь земля пензенская прославляет Иоанна предивнаго, / в лике новых страстотерпцев российских просиявшаго. / Егоже молитвами Христе Боже, / спаси верныя люди Твоя.

## ИКОС

Равноангельнаго жития возжелал еси с лет юных, постом и молитвою предуготовляя всего себе служению Господеви. Явивый душу свою аки обитель святую для печальных сирот и вдовиц, заступая и наставляя на путь спасения к тебе притекающим: Радуйся прежде рождения монахами-странниками предреченный. Радуйся проречение: Сей воистину велик среди верных, житием своим явивый. Радуйся постом и молитвою душу свою яко святую обитель для скорбящих уготовивый. Радуйся, нищету духовную паче сладостей мира возлюбивый. Радуйся, в молитве ко Господу день и ночь отроком проводивый. Радуйся нерадивых христиан в храм святой ходити вразумивый. Радуйся, из млада лет в храме причетником усердно служивый. Радуйся, сиротам и вдовицам милости неоскудеваемые подававый. Радуйся, отче наш Иоанне, теплый молитвенниче и предивный чудотворче.

## ПЕСНЬ 7

ИРМОС: Телу златому премудрыя дети не послужиша, и в пламень сами поидоша, и боги их обругаша среди пламене возопиша, и ораси я Ангел: услышася уже уст ваших молитва.

Подвиги твоя и исповедание твердое за Христа, пред беззаконными Церковь Божия восхваляя прославляет тя в лике святых, богоблаженне Иоанне и молит тя прележно, заступай нас молитвами твоими зовуще: Благословен Бог отец наших.

Спасительнаго подвига страдальче достигл еси изрядне, пред кончиною твоею едину просфору в день вкушаше, и святой водой мало запиваше и благодарив поя Богу: Благословен Бог отец наших.

Священноисповедниче неустрашимый показался еси, и столпе Православия непоколебимый на земли пензенския явился еси, приводя во смятение враги Церкви Христовыя, благодарне воспевая: Благословен Бог отец наших.

Радуйся, исповедниче Христов Иоанне, во времена оскудени веры от Бога не отступивый, и зловредною ересью душу твою не осквернивый, светильник бо возсиял еси пастве твоей, указуя путь ко Христу поюще: Благословен Бог отец наших.

**БОГОРОДИЧЕН:** Избави нас от напастей и скорбей и печалей различных, и иноплеменных нашествия и междоусобныя брани, Владычице Всепетая, яко да Тя славим и Сыну Твоему взываем: Благословен Бог отец наших.

## ПЕСНЬ 8

**ИРМОС:** Из пламене преподобным росу источил еси и праведнаго жертву водою попалил еси: вся бо твориши, Христе, токмо еже дотети. Тя превозносим во вся веки.

Процвел еси в подвезех постнических, всехвальне Иоанне, яко кедр благоуханен и яко шипок благовонен, сердца верных облагоухал еси и ныне предстоя Престолу Живоначальныя Троицы, с лики небесными вопиюще:

Благословите вся дела Господня, Господа пойте, и превозносите Его во вся веки.

Незлюбив и кроток бысть ко врагом, отче Иоанне, вся стрелы и злобу диавола смирением своим угасил еси, и милостив до конца явился еси, вознося теплую молитву за обидящих глаголя: Бог с ними, научая паству свою смирению и незлобию, поя Содетелю и Избавителю:

Благословите вся дела Господня, Господа пойте, и превозносите Его во вся веки.

Провидя кончину жития многотруднаго, возлюбил еси место упокоения своего и хождаше на могилу и отходную по себе чтоша, памятую слова Господа: «Земля еси и в землю отидеши», до конца удалился от злых и плотских сияя добродетельми духовными изрядно, Содетелю и Избавителю вопиюще: Благословите вся дела Господня, Господа пойте, и превозносите Его во вся веки.

Благодать исцелений, преподобне Иоанне, от благодати Божественныя приял еси и всем притекающим к цельбоносней раце мощей твоих, подаеши по вере милости неоскудныя.

Содетелю и Избавителю вопиюще: дети Благословите, священницы воспойте и люди превозносите Его во вся веки.

**БОГОРОДИЧЕН:** Паче естества зачала еси, паче слова родила еси, Содетеля человеческого естества, Бывша Человека, Отцу неразлучна, Владычице Чистая. Егоже поет вся тварь: отроцы благословите, священницы воспойте, людие превозносите во вся веки.

## ПЕСНЬ 9

**ИРМОС:** Бога человеком невозможно видети, на Негоже не смеют чини ангельстии взирати; Тобою же, Всечистая, явися человеком Слово

Воплощенно, Егоже Величающе, с небесными вой ты ублажаем.

Прославляем ты богомудрый исповеднике Христов и почитаем болезни и труды за Христа с радостию понесшия и со слезами припадающе вопием ти молися, отче Иоанне, за погибающия во гресех люди твоя.

Из глубины души взываем к тебе, блаженне Иоанне, пензенская похвал испроси теплыми твоими к Богу молитвами прощение наших грехов и отврати ходатайством Твоим гнев Его праведный, грехов ради на ны движимый. Егоже возлюбил еси, Егоже ради подвизался еси, отче Иоанне, моли ныне Господа Славы о недостойных рабех, да всем нам дарует мирное состояние, зриши бо оскудение любви нашей от Христа предреченное и душ человеческих расслабление и о правде Божией нерадение. Помилуй убо, помилуй нас Твоим заступничеством.

Умом и душею украшен, преподобне Иоанне и многострадальче, житьем светло просия память твоя, и мы величающе ты благодатными твоими лучами просвещаемся и от бед и недугов избавляемся.

**БОГОРОДИЧЕН:** Великому таинству рождества Твоего кто не удивится, Богородице? Или кий язык земной или ум бесплотных изрещи

возможет? Паче бо естества и смысла.  
Богородице, Зиждителя родила еси.

## СВЕТИЛЕН

Приступите к раце мощей чудотворца  
предивнаго, сущий в недузех и скорбех,  
источает бо изобильно исцеления. И Господа  
восхвалити прославльшаго Своего угодника.  
Ныне предстоящаго Престолу Славы,  
молящагося непрестанно о всех нас. Верую и  
любовию почитающих святую память Его.

Слава и ныне. Богородичен

Лукаво время живота моего и всякия злобы  
исполнено, сатане лукавому люте мя смущаюшу.  
Ты мя исторгни того, Богородительнице пакости,  
по молитвам усердным преподобнаго отца  
нашего Иоанна, на Тя бо все возложих: чаяние  
мое, спаси мя, О Всепетая Мати Дево.

На хвалите: стихирь святаго на 4, глас 4

О, преславнаго чудесе ! / О, дивнаго на тебе  
отче Иоанне действия Духа Святаго. / шествовал  
еси путем подвижническаго жития, / бдения,  
лощения и любовь ко всем страждущим  
простирая. / И ко исправлению грешных  
терпением твоим научай / . Темже хвалящия  
тя, преподобне, яви милость твою и испроси у

Господа прощение грехов, / любовью  
почитающим святое твое преставление.

Отче, Богомудре Иоанне / ты издетска любовь  
ко храму Божию явил еси / день труждающихся  
и ночь в коленопреклонении провопил еси, /  
причетником служа усердно. / Темже научил еси  
Христианы / паче возлюбити день Господень и  
святити его / и ныне притекавшим к раце  
мощей Твоих заступником буди / верою поющих  
святое Твое успение.

Отче, премудре Иоанне / Бог тя откры  
печальника и молитвенника земли нашея, / В  
годину тяжких испытаний и украсил житие твое  
даром чудес многих, / немошныя врачевати,  
печальныя утешати, бесноватыя исцеляти, /  
грядущая провещевати и молитвою спасати. / И  
ныне молися даровати душам нашим, / мир и  
велию милость.

**СЛАВА, гл.5**

Ангельское житие показал еси на земли, /  
вышния премудрости сокровище стяжав в  
сердце, преподобне и был еси храм Богу, /  
заступая молитвами твоими сирья и вдовицы /  
и наставляя всех на путь истины. Ублажаем  
преподобие твое / величаем незлобие и кротость  
твою: хвалим дивное терпение и исповедание за  
Христа / поклоняемся целебным мощем твоим /  
и честное успение твое празднуем.

И НЫНЕ, Богородичен.

Славословие великое. Ектении. И отпуст.

### На Литургии

Блаженны от канона, песни 3, 6.

Прокимен: "Честна пред Господем...",

Апостол к Галатом 213.

Евангелие от Луки зач. 24.

Причастен: "В память вечную будет праведник!".

